

BORPLASTIKA EKO d.o.o. iz Tuzle sa sjedištem na adresi Aleja Alije Izetbegovića br. 31, 75000 Tuzla, Bosna i Hercegovina, koju zastupa direktor Imamović Irđin (u daljem tekstu: Održavatelj uređaja)

i

Javna ustanova Terapijska zajednica – Kampus Kantona Sarajevo, Rakovica, iznad sela Kešelji bb, koju zastupa v.d. direktorica Sanela Pekić (u daljem tekstu: Korisnik uređaja)

sklopili su dana 21.08.2019. godine u Sarajevu

UGOVOR O ODRŽAVANJU UREĐAJA ZA PROČIŠĆAVANJE OTPADNIH VODA BP AS VARIOcomp 30N

Član 1.

Predmet ovog Ugovora je održavanje uređaja za pročišćavanje otpadnih voda BP AS VARIOcomp 30N, na objektu JU Terapijska zajednica, Kampus Kantona Sarajevo, Rakovica, Kešelji bb – Ilidža.

Član 2.

Održavatelj uređaja, obavezuje se pregledati, prilagoditi te po potrebi izvršiti preventivne popravke na uređaju iz čl.1. ovog Ugovora, pružiti Korisniku izvještaj o stanju uređaja, te preporuke o pražnjenju mulja, zamjeni komponenti, popravcima i eventualnim nadogradnjama.

Član 3.

Održavanje uređaja iz čl.1. ovog Ugovora podrazumijeva sljedeće :

Pregled uređaja

- Vizualni pregled cijelog uređaja,
- Provjera rada aeratora,
- Provjera crijeva i ventila za dovod zraka,
- Provjera cjevovoda,
- Provjera ventila i razdjelnica,

Mjerenje parametara vode

- pH vrijednost,
- otopljen kisik,
- temperatura,
- količine aktivnog mulja u mg/l,
- razine mulja u sekundarnom taložniku.

Provjera rada strojarskih i električnih komponenti

- Provjeru i podešavanje performansi uređaja,
- Pregled puhalu,
- Čišćenje filtra za zrak na puhalu,
- Po potrebi podešavanje ventila za dovod zraka,
- Pregled i podešavanje timera i vremenskih releja,

- Po potrebi zamjena oštećenih gibljivih cijevi, ležajeva i obujmica.

Član 4.

Održavanje uređaja iz čl.1. ovog Ugovora ne podrazumijeva:

- Trošak nadogradnje te popravak zatečenih većih kvarova.
- Trošak analize pročišćene vode.
- Uklanjanje smetnji i šteta nastalih posredovanjem trećih osoba ili onih koje stoje u vezi s tim
- Uklanjanje smetnji i šteta koje su nastale uporabom dodatnih agregata, komponenti, dijelova i materijala, a navedeno nije predviđeno od strane proizvođača.
- Održavanje kanalizacijskog sistema od začepljenja.

Član 5.

Ugovorne strane su saglasne da zatečene kvarove iz st.1. čl.4. ovog Ugovora otkloni Borplastika Eko d.o.o. po dogovoru sa Korisnikom uređaja. Trošak otklanjanja zatečenih većih kvarova iz st.1. čl.4. ovog Ugovora biti će naplaćen po standardnoj cijeni servisa te zamjenskih dijelova.

Član 6.

Ugovorne strane su saglasne da će trošak iz st.1. čl.4. ovog Ugovora biti naplaćen po cjeniku i postupku naplate Borplastika Eko d.o.o. Tuzla.

Član 7.

Učestalost pregleda i održavanja uređaja iz čl.1. ovog Ugovora iznosi 6 izlazaka godišnje do 01.08.2020.

Korisnik uređaja narudžbu potvrđuje narudžbenicom koju dostavlja elektronskom poštom, putem faksa, a original narudžbenu dostavlja naknadno poštom.

Član 8.

Za izvršene radnje održavanja iz čl.3. ovog Ugovora, Korisnik uređaja se obavezuje Održavatelju uređaja uplatiti iznos od: **200,00 KM + PDV**, po izlasku za održavanje uređaja. Uplatu izvršiti na transakcijski račun kod UniCredit Bank dd broj 338-440-2252406394. Plaćanje se vrši po izvršenoj usluzi, ispostavljenom fakturi i izvještaju o izvršenoj usluzi, uz odgodu od 30 dana od dana ispostavljanja fakture.

Svaki dodatni izlazak ili intervencija po zahtjevu Korisnika uređaja iznosi:

390,00 KM/dan + PDV po serviseru na bazi 10 radnih sati,

0,90 KM/km + PDV putni trošak,

45,00 KM + PDV dnevnice radnika,

65,00 KM + PDV noćenje radnika.

Cijena održavanja uređaja dobivena je na temelju tipa uređaja, broju komponenti na uređaju i kompleksnosti uređaja.

Član 9.

Održavatelj uređaja se obavezuje nakon svakog pregleda uređaja o zatečenom stanju i izvedenim radovima izvjestiti Korisnika uređaja u vidu izvještaja, kao i da ostavi radni nalog na prijavnicu koji mora potpisati ovlaštena osoba od strane Korisnika koja je primila i pratila radove.

Član 10.

Sve troškove popravaka, rezervnih dijelova i potrošnog materijala (četkice, membrane, filteri zraka itd.) snosi Korisnik uređaja, uz prethodnu suglasnost korisnika usluga.

Član 11.

U slučaju nepridržavanja uputa o korištenju uređaja od strane Korisnika uređaja, svaki izvanredni servis uređaja od strane Održavatelja dodatno se naplaćuje.

Član 12.

Korisnik usluge se obavezuje omogućiti Održavatelju usluge nesmetan pristup uređaju koji je predmet ovog Ugovora uz najavu 24 sata dnevno.

Član 13.

Korisnik usluge se obavezuje osigurati priključak struje i vode za neometano izvršavanje radova na održavanju.

Član 14.

Troškove potrošnje struje i vode snosi Korisnik usluge.

Član 15.

Korisnik uređaja se obavezuje brinuti o tome da samo sanitarno fekalne otpadne vode dospiju u uređaj, u skladu sa količinama predviđenim pri projektovanju uređaja iz čl. 1. ovog ugovora.

Član 16.

Korisnik usluge obavezuje se laboratorijske analize izlaznih parametara obavljati u ovlaštenom laboratoriju.

Član 17.

Ugovorne strane su saglasne da je korisnik uređaja dužan voditi brigu o zbrinjavanju mulja nastalog pri radu uređaja.

Član 18.

Dinamiku i učestalost pražnjenja uređaja (odvoz mulja) određuje Održavatelj uređaja.

Član 19.

Odgovornost Korisnika uređaja na osnovu zakonskih propisa ne zamjenjuje se ovim Ugovorom.

Član 20.

Korisnik uređaja se obavezuje da neće sam ili preko treće osobe obavljati bilo kakve intervencije na uređaju iz čl.1. ovog Ugovora za vrijeme trajanja istog.

Član 21.

Ovaj Ugovor sklapa se na određeno vrijeme u trajanju od 12 mjeseci.

Član 22.

Ovaj Ugovor mogu raskinuti obje ugovorne strane u slučaju nepridržavanja uputa o održavanju u pisanom obliku i s otkaznim rokom od 1 (jednog) mjeseca.

Član 23.

Održavatelj uređaja može prijevremeno raskinuti Ugovor bez pridržavanja otkaznog roka ako Korisnik uređaja ne podmiri obavezu u skladu sa čl.8. ovog Ugovora, te ako Korisnik uređaja bez prethodnog dogovora s Održavateljem vrši promjene na uređaju ili komponentama uređaja.

Član 24.

Ugovor se može raskinuti u svim slučajevima predviđenim Zakonom o obligacionim odnosima Federacije Bosne i Hercegovine i Republike Srpske.

Član 25.

U slučaju da ni jedna ugovora strana ne raskine Ugovor prije isteka roka iz čl.23. ovog Ugovora, isti se produžava za slijedeću godinu.

Član 26.

Ugovorne strane saglasne su da će eventualne sporove pokušati riješiti sporazumno, a u suprotnom nadležan je Općinski sud u Sarajevu.

Član 27.

Ovaj Ugovor sastavljen je u dva (2) istovjetna primjerka od kojih svaka ugovorna strana zadržava po jedan (1) primjerak.

Član 28.

Ugovorne strane potvrđuju da su Ugovor pročitale, razumjele te u znak prihvata isti potpisuju.

Korisnik uređaja:

JU Terapijska zajednica –
Kampus Kantona Sarajevo

Sanela Pekić

Sanela Pekić, direktorica



Održavatelj uređaja:

BORPLASTIKA EKO d.o.o. Tuzla

Irdin Imamović

Irdin Imamović, direktor

